

## Transkription von Stadtbucheintrag HRO 1490a

Ort, Datierung: Rostock, 1490-??-??

Signatur: Stadtarchiv Rostock, Liber vitalitiorum Nr. 198, Bl. 9b (1.1.3.1 - 2.11.198) [\[online\]](#)

Inhalt: Rat der Stadt Rostock: Einträge über den Verkauf von Leibrenten bzw. eines Hauses

Bemerkung: liber vitaliciorum

---

witlik zij dat Magnusz Radenstede hefft vorkofft her / Arndt greue viff m(a)rk jarlicker liffrente vor l m(a)rk in synen / husze yn der harte straten tusschen Rudden vnde Magnus / kergebene belegen in iiij [...] <sup>1</sup> jarlick(e) to betalende wanne / is arndt in got vorstoruen is scholen sodann(e) viff m(a)rk / renthe mit deme houetstole dor qwidt leddich vnd(e) / losz weszen /

witlick zij dat laurentzs Burmester hefft vorkofft Her arndt / preue vefftich m(a)rk Iarlicker liffrente vor viff hundert m(a)rk In / synem husze In der kremerstraten tuschen Cordt Broderouwen / vnde Iohann maken belegen In ver [...] <sup>1</sup> Iarlickes tho / betalende wanner Her Arndt in got vorstoruen scholeszodann(e) / vefftich m(a)rk qwidt leddich vnde lös z weszen / <sup>2</sup>

Gereke schulte hefft vorkofft hans Bomgarden vij m(a)rk / Jarlicker liffrente vor hundert m(a)rk yn synem husze tuschen / Jurien wuserme vnde demesuluen hans Bomgarden in der / lagestraten belegen jn iiij sunnen <sup>3</sup> Jarlickes to betalende / vnde Gerke schal eme hansze v(or)benan(nt) vnde siner husfrouwen / alle jar mesten j [...] <sup>4</sup> wanner sie in got vorstoruen sint / schal sodann(e) rente qwidt leddich vnde lös z weszen /

witlick sy dat Metke Krogers mit vulbordt ores szones hinrik / Gerdes hefft vorkofft Clawes dunen vnde siner husfrouwen / ore husz in der Kistenmaker stratene(n) tuschen Gerdt van Camen=/schen vnde titken slorue belegen ane de boden de todemsuluen / husze behoren De tidt orer beider leuendes wanner sie jn got / vorstoruen syn Clawes vorg(ena)nnt vnde syn husfrouwe schal szodann(e) / husz wedder kamen to Metken Krogers vnde oren negesten eruen / vnde sie scholen Clawes vnde syn husfrouwe szodann(e) hūsz buwen / vnde beteren de tidt ores leuendes /

witlick zij dat Titke Louwe hefft vorkofft hern Arndt greue / vij m(a)rk jarlicker liff <sup>5</sup> Renthe vor hūndert m(a)rk jn synem Erue bauen / der Erszkeruen vnde jn syn redeste gūdt in iiij [...] <sup>1</sup> jarlicke / tobetalende wanners is arndt in got v(or)storuen Is schal szodann(e) / houet stal mit der Rente qwidt leddich vnd(e) losz weszen /

---

<sup>1</sup> vermutlich "summen"

<sup>2</sup> gesamter Artikel durchgestrichen

<sup>3</sup> eventuell Verschreibung: "summen"

<sup>4</sup> vermutlich Maßeinheit

<sup>5</sup> eingefügt